

www.BibleForChildren.org

Matiwos Dooshishiyo 26



Ayhudi fazigi
worwoti baaliy
aawo bodosh shirt
aawo b́ oortsok'on,
Iyesus Bitaniy maants bíami,
Bitaniyo Iyesus k'irotse b́tuuztso
Alazar b́beef galuni bteshi.
Manoor Mariyam b́ gizo
ayidek't shaaw wottso
Nardosiya eteets mitatse dozets
shituwo ik t'armusi bado wotitwo ik
b́lk'at'iyo dek'amaat b́n Iyesus tufo fuutbk'ri, b
toks'ironowere firbbazi, maa manwere shitú sháák'on
s'een b́gutsi.




Tatse gitwotsitse iko, Ask'rot datstso Yihud Iyesusi
beshide imosh kahni naashwots maants bí ami.
Bowero man dan bodek'ortsok'on
gene'úbowtsi, gizono bísh
ímetwone bo eti. Bíwere
Iyesusi beshide ímosh
k'ants aawo ǎ kotfera ǎtsh.



Ɓ danifwots Iyesus boosh bí ettsok'o
bok'ali, fazigi kooc' misho bo k'aniyi.
Bo mafere Iyesus tushman k'a'údek't
bdeeri, tiitsdek't b danifwotssh,
«Nahere mooree han tmetsoniye» ett
boosh bí'imi. Wanc'mano k'a'údek't
Ik'o údon b k'oniyakon hank'o ett
boosh bí'imi, «It únets wanc'anitse
úyeree, Han ay ash morro
oorowe eti jangon
taarewosh
kuud'it
t s'atsoniye.»



Manats dabt Iyesus hank'o bíet, «Smonoo! Smonoo!
hmb, goshtso b́ sndeyi buyo as'de b́ galfook'o Shed'ano
iti as'baze b́geyi. Ernmó ni imnetiyo b́ t'afrawok'o taa
neesh Ik'o k'onituwe, ando aani ni anorowere
nieshuwotsi kup'iwe.» P'et'roswere «Doonzono! tip
wotowa, k'ir wotowa neenton amoosh k'ank taane!»
bíet. Iyesusmó aniydek't,
«P'et'rosoo! hambets
baako b́ k'adfetsere,
«Neen danatse» err
keezoto taan
haalitune etfe»
bí et.



Maniyere il Iyesus
b'danifwotsnton
Getesemaniy eteef
beyokok bí ami, manok
bobodtsok'on Iyesus b'
danifwotssh «Taa ekewok
amr Ik'o t k'onfetsosh it
hanoke betere» bíet.
Hank'o bí eti, «Nihono,
keew jamo neesh falefe,
gond bek' úshi wanc'ani
tiatse wokiwe, ernmó nee n
shuntsok'owa bako taa t
shuntsok'o wotk'aye.»



Mansh Yihud, wotadrwotsitsi ik kaywotsi, mank'owere
kahni naashwotsitsnat ferisawino eteefwotsitse
wosheets kot kotfwotsitse k'atswotsi jishdek't
manok b'weyi, boowere fanosiyonat c'eshon,
gini k'ac'uwotsi detsdek'tni botesh.
Boyitsnowere iko kahni naasho
guutso shiki goradon k'es'dek't
b'k'ani waazo k'ut'b'k'r.
Iyesusmo «K'aye! hank'o
keewo aani k'alk'aye!» b'í et,
Asho wazonowere
shu'udek't kashi b'k'ri.



Maniye hakon ash ashuwots lyesusi detsdek't k'eesi naasho mook dek't bowaa, P'et'rosuwere wokoon b'shuutso b' shi'iri. Ash ashuwots kas'otse tawo deshidek't ikoke bedek'tni botes. P'et'oswere waat towat be b'dek'i.



P'et'ros b́ waaz b́k'ut'ts
ashosh jag wottso kahni
naasho guutsuwotsitse
iko, «Mit bos'wots
beyoke b́nton neen
be'atsta?» b́et. P'et'rosu
daʔt jamere b́ eti, manoor
baako b́k'adi. Urats kesht
ayidek't b́ eep.





Maniye hakon manoke kakuwedek't
beyiru ash ashuwots dek' amt
P'ilat'os shinats t'intsbok'ri,
P'ilat'oswere «Ayhudiwots naasho
neeneya?» ett Iyesusi bíaati.
Iyesuswere «Nee
niettsok'oyiye» bí eti.
P'ilat'os Iyesusi bíshde
faksho geyať aani ash
ashuwotssh b́keewu.

Ashuwotsmo «Bín jirk'rowe!
jirk'rowe bína!» ett bokuhi.




Manoor Iyesus b́ jitetwok'o
P'ilat'os beshidek't b́ ími,
boowere detsdek't boami.
Maniyere okoon Iyesus b́
mask'aliyo kurdek't «Took k'ola»
eteef beyok kesht bíami,
beyokan Ibrayist'i nonkeew
keewon, «Golgota» eteefo, . . .



. . . Manoknowere bín jitbok'ri,
Iyesusi dagots geddek't bínton
k'osh git ashuwotsi gironat
k'anomaants jitbok'ri.



Aawo t'aluwu b'wutsi, Ik'i meyitsi magarajo taalotse dek't
tuut gaad'at gitoko kayb'gutsi. Iyesuswere b'k'aaro
eenshdek't, «Nihono! hambiyee! tkashu nkishats
beshidek'at adaro imiruwe!» b'í et,
man b'íettsok'on b' kasho
b'íatsotse k'azb'kesh.



Manoró Ayhudi moosh moshifwotsitse
iko teshtso Yosefi eteefo,
mangiyets Armatiyas asho b́
weyi. Bíwere Ik'imengsto
kotirw asha b́tesh.

Bíwere b́sharawo
P'ilat'os shinats t'int
Iyesus duuno b́ish
b́ ímish b́ k'oni.

Yosef duuni
shemo keewdek't
mask'aliyatse Iyesus
duuno orshdek't k'od
b́k'ri, s'alatse k'ewdek't
k'aniyets doowots duk
b́k'ri. Shúts eeno
kukulshdek' doowo
ipbok'ri.



K'andek'i aawonyere yaatsok'o guur,
kahni naashwotsnat feresawiyotsn
ik wotdek' P'ilat'os
maantsan amt hank'o
boeti, «Doonzono!
dariifmañ kashon
befetst <Keez
aawonye okoon
k'irotse tuwitwe>
bíettso



gawdek'rone.»



«Mansh amt shútsmanats
matabon togk'rat doowman
kes'fuwotsn bokoti.»



Sambato ń beshiyakon ik gawiyotsi
shínts aawots Sanbata gudots
guur goyoon Megdel dats ash
wottsu Mariyamnat Mariyam
k'oshun ń dowu man
s'ilosh boami. Mann,
gawerawo datso
ayidek't shek'e
ńwutsi, melakiyo
darotse

oot'wat doowo
bín is'eets shútso
kukulshk'rat bí'abats
be ńdek'i. Kotirwotsu
melakiyo bo shattsotse
k'ewat duunok'o
wotbowtsi, . . .




... Melakiyonmó máátswotssh
hank'o bíet, «Itiyere shatk'ayere,
jitetso Iyesusi it geyrwok'o
danfee, Bíwere hanoke
aaliye shin b́
keewtsok'on k'azturee.
Hanoke aaliye,
b́ duukewoko waar
s'iilere.»



Maniyere hakon máátswots shatonat ayidek't een geneewoon doowokere kááron k'az boami, b́danifwotssh keewosh bowos'i. Iyesus weerindatse boon daatst «Jeenno itsh wotowe!» b́iet. Boweré b́ maantsan t'int b́ tufo detsdek't b́ish bosagadi.





Maniyere hakon tatse ikwots mishimarats t'iní
bomaafere Iyesus bo ats be'eeb'wtsi, «Iyesus k'irotse
tuut kashon fa'ee no ááwono bek'rone,» ett boosh
keewtswotsi aman bo k'aztsona et bo nib kup'osh boon
b'k'efi. Doonzo Iyesus jaman boosh b'keewiyhakon
daromaand k'az bíami. Ik'o k'ani aaromants be b'wtsi.



Bín amanit jametswots dúre dúri beyo
b́ daatsituwok'owa bako b́ t'afrawok'o
Ik'o datsu ayidek't b́shuntsotse ik
s'uzo b́naayi b́ imi.



Rom 3:23 Ash jamwots morro finernre, Ik'o boosh
b'imts mangonowere t'ut'nee.

Rom 6:23 Morrotse daatset k'awuntso k'ire, Ik'oke imet
imonmó nodoonz Iyesus Krstosn daatset
dúre dúri kashoniye.

Ibrawiyots 9:27 Ashosh iknoto k'iro beezk'rere, k'ironiyere
okonowere bí ats angshetwe.

Efeson 2:8,9 It it kash imneti weeron wotts s'aatone,
manwere Ik' ima bako itokikaliye. Konwor asho b
id'aawok'owa, kashiyit s'aato bdaatse finonaliye,

Rom 10:9,10 Iyesus doonz bwotok'o nnonon ngawiyal, Ik'o
k'irotse bín btiztsok'o n maac'on niamaniyal kashitune.
Asho b maac'on amanar kááwituwe, bnonon
b gawiyal kashituwe,



Yohans Dooshishiyo 3:16,17 «Bín amanit jametswots dúre dúri beyo ǃ daatsituwok'owa bako ǃ t'afrawok'o Ik'o datsu ayidek't ǃshuntsotse ik s'uzo ǃnaayi ǃ imi. Ik'o ǃnaayi datsats ǃ wosh, datso ǃnaayn ǃ kashitwok'owa bako datsuwats ǃ angshishaliye.»

1 Yohans 5:11-13 B gawonwere Ik'o dúre dúri kasho noosh ǃ imtsok'onat kashmanwere ǃ naayitse ǃ beyirwok'o gawirwoniye. Ik'o naayi detstso kasho detsfe. Ik'o naayi deshawonmó kasho deshatsé. It Ik'o naay shútson amants jamwots dúre dúri kasho it detstsok'o it danishe han itsh guut're.



Matiwos Dooshishiyo 26-28;
Luk'as Dooshishiyo 22-24;
Yohans Dooshishiyo 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Borna Latin NT (bwo) The Word for the World International
Publishing PO Box 26363, Colorado Springs, CO 80919,
USA

<https://www.bible.com/en-GB/bible/3252/MAT.1.BRNNTLTN>

©2026 Bible for Children, Inc.

www.M1914.org

www.bibleforchildren.org

